

Allannguutissatut siunnersuut

uunga

Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx ulloq xx. xxx 2017-imeersoq

Aappassaaneerinninnissamut Naalakkersuisunit saqqummiunneqartoq

§ 2-mut

1. § 2 -mi *imm.* 7-ip kingorna immikkoortutut nutaatut ikkunneqassaaq:

” *Imm.* 8. Sanaartornertut paasineqassapput suliat siunertaqartut sanaartorfimmi tigussaasumik ersittumik pilersitsinerit, illuliat imaluunniit qammakkat imaluunniit sanaat.

Imm. 9. Isumaqatigiissutaasup nalingatut paasineqassaaq missiliuussinertut naliliunneqartoq piffissami pisortat imaluunniit pisortat suliffiutaata neqeroortitsiniarluni suliamik aallartitsinerani suliammut naligitinneqartoq.“

2. § 2, *imm.* 8, taamaasilluni § 2, *imm.* 10 -ngussaaq, aalajangersakkamilu allanngortinneqassaaq ”*imm.* 1-7“ imaalillugu ”*imm.* 1-9“.

§ 5-imut

3. § 5 -ip kingorna ikkunneqassaaq:

” § 5 a. Inatsisartut inatsisaanni kapitali 7 aamma 8 assigisaanik atortinneqassapput neqeroortitsisunut allanut pisortaangitsunut imaluunniit pisortat suliffiutiginnngisaannut, neqeroortitsisoq alla neqeroorutininik piniarsimappat isumaqatigiissuteqarniarluni sanaartugassanut tunngatillugu, sanaartugassallu taakkua pisortanit tapersorsorneqarpata, tamatumani aamma tapiiffigineqarpata, aningaasartuutinik matussusiivigineqarpata, attartortinneqarpata imaluunniit Namminersorlutik Oqartussaniit qularnaveeqquserneqarpata.

§ 26-mut

4. § 26 imatut oqaasertalerneqassaaq:

” § 26. Pisortat imaluunniit pisortat suliffiutaat neqeroortitsinermi pappialani aamma isumaqatigiissummi tunniunneqartumi aalajangersagaliussapput inuiaqatigiinni akisussaaffeqarneq pillugu.

Imm. 2. Neqeroortitsinerne aamma isumaqatigiissuteqarnerni sanaartugassanik suliaqarnissaq pillugu, inuiaqatigiinni akisussaaffeqarneq pillugu aalajangersakkat, tak. 1, ilaatigut aalajangerneqassaaq ilinniartumik sungiusartumilluunniit ataatsimik amerlanerusunilluunniit sulisitsinissamut piumasaqaat, atorneqartussaq isumaqatigiissutaasoq naapertorlugu sulianik ingerlatsinerne, illuatungaani isumaqatigiissutip nalinganut tunngatillugu. 2018-mut ilinniartunut aamma sungiusartunut tunngasumik piumasaqaat annertussusilerneqassaaq minnerpaaffissatut ilinniartunik imaluunniit sungiusartunik sulisitassanut:

1) ilinniartoq imaluunniit sungiusartoq ataaseq, sanaartugassanut isumaqatigiissutip nalinga minnerpaamik 1.500.000 kr.-uppat, kisiannili 3.000.000 kr.-nit appasinnerulluni.

2) ilinniartut imaluunniit sungiusartut marluk, sanaartugassanut isumaqatigiissutip nalinga minnerpaamik 3.000.000 kr.-uppat, kisiannili 6.000.000 kr.-nit annikinnerulluni.

3) ilinniartut imaluunniit sungiusartut 3-t, sanaartugassanut isumaqatigiissutip nalinga minnerpaamik 6.000.000 kr.-uppat, kisiannili 9.000.000 kr.-init annikinnerulluni.

4) Sanaartugassanut tunngatillugu isumaqatigiissutaasut 9.000.000 kr.-nik qaangerlugilluunniit naleqaraangata ilinniartoqarnissamut aamma sungiusartoqarnissamut piumasaqaataasoq pisortanit imaluunniit pisortat suliffiutaannit neqeroortitsisusumit aalajangerneqartassaaq pissutsinik suliamut naleqquttunik nalileereernikkut. Ilinniartunik aamma sungiusartunik sulisitsinissamik piumasaqaat minnerpaatut ilinniartunut imaluunniit sungiusartunut 4-nut aalajangerneqassaaq.

Ullorsiutit ukiuinut tulliuuttunut tamanut ilinniartunik aamma sungiusartunik sulisitsinissamut piumasaqaat aalajangerneqartassaaq immikkoortup ataatsip arlallilluunniit iluaniinnissaannik Naalakkersuisunit aalajangerneqartunut.

Imm. 3. Neqeroortitsinerne isumaqatigiissuteqarnernilu nioqqutissanik aamma kiffartuussinernik tunisaqarnissamik tunngasunik, imm. 2-mi pineqartunut ilaanngitsuni, inuiaqatigiinnut akisussaaffik pillugu aalajangersagaq, tak. imm. 1, ilaatigut aalajangiissaaq ilinniartumik aamma sungiusartumik ataatsimik amerlanerusunilluunniit ilinniartoqarnissamik sungiusartoqarnissamilluunniit, ataatsimik arlalinnilluunniit minnerpaamik ilinniartunik aamma sungiusartunik sulisoqarnissaanik neqerooruteqartumi, illuanilu neqeroortup ataatsimut akissarsianut aningaasartuutaanut, ukiumi arlalinnilluunniit isumaqatigiissutip atuuffissaani isumaqatigiissutaasumik suliaqarnissami. Ilinniartoqarnissamut aamma sungiusartunik sulisitsinissamut piumasaqaatit akissarsiaritit ataatmoortut Naalakkersuisunit aalajangersarneqartut immikkoortuisa iluanni inissineqassapput.

Imm. 4. Imm. 2 imaluunniit 3 naapertorlugu akissarsiaritit immikkoortup ataatsip arlallilluunniit iluaniinnissaannik aalajangersaasoqartinnagu Naalakkersuisut suliffeqarnerne illuatungeriinnik tusarniaassapput tamatuma aalajangersaaviginissaa pillugu.”

§ 32-mut

5. § 32, imm. 3-mi oqaaseqatigiit siulliit kingorna ikkunneqassaaq:

”2018-mut ilinniartunik aamma sungiusartunik sulisitsinissamut piumasaqaat sanaartugassanut isumaqatigiissutaasunut ilinniartunut imaluunniit sungiusartunut ikinnerpaamik ukununga aalajangerneqartassaaq:

- 1) ilinniartuq imaluunniit sungiusartuq ataaseq, sanaartugassanut isumaqatigiissutip nalinga minnerpaamik 1.500.000 kr.-uppat, kisiannili 3.000.000 kr.-nit appasinnerulluni.
- 2) ilinniartut imaluunniit sungiusartut marluk, sanaartugassanut isumaqatigiissutip nalinga minnerpaamik 3.000.000 kr.-uppat, kisiannili 6.000.000 kr.-nit annikinnerulluni.
- 3) ilinniartut imaluunniit sungiusartut 3-t, sanaartugassanut isumaqatigiissutip nalinga minnerpaamik 6.000.000 kr.-uppat, kisiannili 9.000.000 kr.-nit annikinnerulluni.
- 4) Sanaartugassanut tunngatillugu isumaqatigiissutaasut 9.000.000 kr.-nit qaangerlugilluunniit naleqaraangata ilinniartoqarnissamut aamma sungiusartoqarnissamut piumasaqaataasoq pisortanit imaluunniit pisortat suliffiutaannit neqeroortitsisuusumit aalajangerneqartassaaq pissutsinik suliamut naleqquttunik nalileereernikkut. Ilinniartunik aamma sungiusartunik sulisitsinissamik piumasaqaat minnerpaatut ilinniartunut imaluunniit sungiusartunut 4-nut aalajangerneqassaaq.

Ullorsiutit ukiuinut tulliuuttunut tamanut ilinniartunik aamma sungiusartunik sulisitsinissamut piumasaqaat aalajangerneqartassaaq immikkoortup ataatsip arlallilluunniit iluaniinnissaannik Naalakkersuisunit aalajangerneqartunut.”

6. § 32 -mi imm. 3-p kingorna immikkoortutut nutaatut ikkunneqassaaq:

” *Imm. 4.* Imm. 3 naapertorlugu immikkoortup ataatsip arlallilluunniit iluaniinnissaannik aalajangersaasoqartinnagu Naalakkersuisut suliffeqarnermi illuatungeriinnik tusarniaassapput tamatuma aalajangersaaviginissaa pillugu.”

7. § 46, imm. 1 imatut oqaasertalerneqassaaq:

“ **§ 46.** Inatsisartut inatsisaat atortuulissaaq 1. januar 2019”

Allannguutissatut siunnersuummut oqaaseqaatit

Nalinginnaasumik oqaaseqaatit

Allannguutissatut siunnersuummi siunertaavoq periutsinik ingerlatitseqqinnissaq Sanaartornermi ilinniartoqartarnej pillugu Namminersorlutik Oqartussat nalunaarutaanni nr. 10, 12. juli 2010-meersumiittunik, Inatsisartut inatsisaatigut atorunnaarsinneqartussami. Tamatuma kingunerissavaa Inatsisartut inatsisaanni kapitali 7 aamma 8-mi aalajangersakkat assigisaanik atuutsinneqalissammata neqerooruteqartitsisartunut allanut, pisortaanngitsunut imaluunniit pisortat suliffiutiginnngisaannut, neqeroortitsisut allat taamaattut neqeroortitsigaangata sanaartugassanut isumaqatigiissuteqarnissamik, aammalu sanaartugassanut pisortanit tapersersorneqaraangata, tamatumani aamma tapiiffigineqartunik, aningaasartuutitut matussusiisoqarluni, attartortinneqaraangata imaluunniit Namminersorlutik Oqartussaniit qularnaveeqquserneqaraangata.

Tamatuma saniatigut allannguutissatut siunnersuutikkut immikkut minnerpaaffissanik piumasaaqatit ilanngussisoqarpoq, ilinniartunik aamma sungiusartunik atuinissani, sanaartukkanik suliaqarnerni pisortanut isumaqatigiissuteqarnikkut, pisortat suliffiutaannut neqeroortitsisunulluunniit allanut, sanaartugassanut tunngasumik suliaqartitsiniartumut, imaluunniit sanaartukkanut pisortanit tapiiffigineqartunut. Taamaattoq ilinniartunik aamma sungiusartunik sulisitsinissamut piumasaaqataasut 2018-imi sakkortusisaapput, nalunaarummi aalajangersakkanut sanilliullugu.

Allannguutissatut siunnersuut suliaavoq sanaartornermi ilinniartoqarnej pillugu Namminersorlutik Oqartussat nalunaarutaat nr. 10, 12. Juli 2010-meersup nalimmassarneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuummut, Inatsisartunut ilaasortamit Bendt B. Kristiansen, Inuit Ataqtigiit, siunnersuutigineqartumut (UKA 2017 imm. 184) naapertuuttumik.

Allannguutissatut siunnersuummi aalajangersakkanut ataasiakkaanut oqaaseqaatit

Nr. 1-imut

Imm. 8-mut

Sanaartugassat qanoq paasineqarnissaannik nassuiaatip § 2-mi assigaa Sanaartornermi neqerooruteqartitsisarnej pillugu Inatsisartut inatsisaat nr. 11, 2. december 2009-meersoq.

Sanaartukkanut ilaapput suliat siunertaqartut sanaamik tigussaasumik pilersitsinissanik sanaartorfimmi, illuatungalugillu assersuutigalugu siunnersuisarneq aamma atortussanik pisiniartarnej.

Taaguummi tassani ilaatigut ilaapput illuliorneq aamma sanaartukkanik allanik suliaqarneq, iluarsaaneq, aserfallatsaaliineq, nalinginnaasumillu iluarsisassanik iluarsaassisarnerit, illunik piiasaarneq, qillerinerit, illuni atortorissaarusersiunerit aamma atortuliornerit.

Imm. 9-mut

Oqaasertaliussatut siunnersuutigineqartup imm. 9-mi aalajangersakkamut kingunerisaa isumaqatigiissutaasup nalinganik naatsorsuineq pisassasoq pisortat imaluunniit pisortat suliffiutaata suliamik aallartitsinerani neqeroortitsinissamik siunnerfeqartumik. Tamatuma assigai ileqqut isumaqatigiissutaasup nalinganik aalajangiisarnerni, nalinginnaasumik neqeroortitsisarnerni ileqqusut naapertorlugit aamma § 29, danskit neqeroortitsisarnermik inatsisaanni (Inatsit nr. 1564 ulloq 15. december 2015-imeersoq).

Nr. 2-mut

Allanguutissatut siunnersuut aallaaveqarpoq tunngaviusumik, siunnersuutigineqarmat siunnersuummi § 2-mut paasinninnerit nutaat marluk ilanngunneqassasut.

Nr. 3-mut

Allanguutissatut siunnersuut ileqquusunik Sanaartornermi ilinniartoqartarneq pillugu Namminersorlutik Oqartussat nalunaarutaannik nr. 10, 12. juli 2010-meersumik atorunnaarsitsinissamut atatillugu ileqquusunik ingerlatitseqqiinnarnissamik tunngaveqarpoq.

Aalajangersagassatut siunnersuutigineqartut kinguneraat Inatsisartut inatsisaanni kapitali 7 aamma 8-mi aalajangersakkat assigisaannik atuutsiinnarneqassasut, neqeroortitsisunut allanut pisortaangitsunut imaluunniit pisortat suliffiutiginnngisaannut, sanaartugassanik neqeroortitsisut allat neqeroortitsinerminni aamma isumaqatigiissuteqarnerminni sanaartugassanut tunngatillugu pisortanit tapiiffigineqarsimappata.

Aalajangersakkamut siunnersuutaasup kinguneraa suliassaattillit namminersortut sanaartortitsinissaminni neqeroortitsinermik ingerlatsisut aamma isumaqatigiissuteqartut sanaartugassanut tunngatillugu, sanaartugassallu taakkua pisortanit tapersorsorneqarpata, tamatumani aamma tapiiffigineqarpata, aningaasartuutinik matussusiivigineqarpata, attartortinneqarpata imaluunniit Namminersorlutik Oqartussaniit qularnaveeqqusiivigineqarsimasut, siunnersuutip kapitel 7-iani 8-nilu aalajangersakkat ilaapput oqartussat pisortallu suliffeqarfii assigalugit.

Nr. 4-mut

Imm. 1-imut

Aalajangersagaq pisortanut imaluunniit pisortat suliffiutaannut pisussaaffiliivoq aalajangersagaliortarnissamut inuiaqatigiinni akisussaaffiit neqeroortitsinermut aamma suliassanut isumaqatigiissuteqarnernut atasut pillugit, nioqqutissanik imaluunniit kiffartuussinernik suliassani kapitali 7-imi pineqartunut atatillugu. Aalajangersagaq assigisaanik atortinneqassaaq neqeroortitsisunut allanut pisortaangitsunut imaluunniit pisortat suliffiutiginnisaannut, neqeroortitsisoq alla neqeroorutininik piniarsimappat isumaqatigiissuteqarniarluni sanaartugassanut tunngatillugu, sanaartugassallu taakkua pisortanit tapersersorneqarpata, tak. § 5 a allannguutissatut siunnersuummi.

Aalajangersakkami nalunaarneqarpoq pisortat imaluunniit pisortat suliffiutaat neqeroortitsinermut pappialani aamma isumaqatigiissuummi tunniunneqartumi aalajangersakkanik ilanngussissasoq inuiaqatigiinni akisussaaffeqarneq pillugu, pisortat imaluunniit pisortat suliffiutaata neqeroortitsinermini akikinnerpaamik neqerooruteqartumik atuinerani isumaqatigiissuteqarnissami nioqqutissanik imaluunniit kiffartuussinermik tunisaqartarnissanut, tamatumani aamma sanaartukkanut tunngatillugu. Aalajangersagaq naapertorlugi neqeroortitsinermini pappialani peqatigiinnermut immikkut piumasaqaammik imaqassaaq.

Imm. 2-mi allaaserineqarpoq inuiaqatigiinni akisussaaffeqarnermut aalajangersagaq sunik isumaqatigiissutaasunik sanaartugassanut atatillugu imaqartussaaneq, imm. 3-milu allaaserineqarluni inuiaqatigiinni akisussaaffeqarnermut tunngasunik aalajangersakkat taamaattut isumaqatigiissutaasunut allanut, sanaartornerni suliassangitsunut sunik imaqartussaaneq. Taamaasillunilu immikkoortitsisoqarpoq sanaartugassanik suliassarnerit imaluunniit nioqqutissanik tunisaqartarnerit allat pineqarnerisut imaluunniit sanaartornermi kiffartuussinernerit pineqarnerisut.

Sanaartugassat allannguutissatut siunnersuummi § 2, imm. 8-mi qanoq paasineqarnissaat nassuiarneqarpoq. Ilanngullugulu aalajangersagaq taanna oqaaseqaatillu innersuunneqarlutik.

Isumaqatigiissutaasoq sanaartornermut aamma nioqqutissanik tunisaqartarnissanik kiffartuussinernillu suliassanik imaqarpat, taava inuiaqatigiinni akisussaaffeqarneq pillugu aalajangersakkat pingaarnertut suliassat tunngavigalugit aalajangerneqartassaaq.

Isumaqatigiissutaasoq taamaasilluni sanaartugassanut aamma nioqqutissanik tunisaqartarnermut imaluunniit kiffartuussinermut tunngasuuppat, neqeroortitsisup immikkut nalilersortussaavaa, isumaqatigiissutaasussami suna pingaarnernerisut, tamatumani aamma nioqqutissat allat aamma kiffartuussinermik sullissineq sanaartornermik suliassanut

ilaanersoq imaluunniit killormut. Kiffartuussinerit assigiinngitsut nalingi tamatumani aalajangiisuunngillat, isumaqatigiissutaasumi suliassaq pingaarnaq suunersoq eqqarsaatigalugu, kisiannili pissutsit taamaattut ilanngutissallugit pissusissamisussaaq ataatsimut naliliinermi, isumaqatigiissummi siunertaq pingaarnaq suunersoq eqqarsaatigalugu.

Imm. 2-mut

Aalajangersagaq inuiaqatigiinni akisussaaffeqarnerup sunik imaqarneranut tunngasuvoq, pisortat imaluunniit pisortat suliffiutaata aalajangersagassaanut neqeroortitsinermut suliassanullu isumaqatigiissuteqarnermut atortussanik, neqeroortitsisut akikinnerpaamik neqerooruteqartoq isumaqatigiissuteqarnissamut sanaartornissamullu atasumik atoraangassuk.

Sanaartugassat suuneri allannguutissatut siunnersuummi § 2, imm. 8-mi nassuiarneqarput. Ilanngullugulu aalajangersagaq taanna oqaaseqaatillu innersuunneqarlutik.

Imm. 3-mi allaaserineqarpoq inuiaqatigiinni akisussaaffeqarnek pillugu aalajangersagaq sunik imaqartusnaanersoq, isumaqatigiissutinut allanut, sanaartornerunngitsunut tunngatillugu.

Inuiaqatigiinni akisussaaffeqarnek pillugu aalajangersakkami pisortat imaluunniit pisortat suliffiutaata ilaatigut aalajangersassavaat ataatsimik imaluunniit arlalinnik ilinniartunik aamma sungiusartunik sulisitsinissamik piunasaqaat, minnerpaaffissatut, (1) najugaqavissut qassit ilinniartutut imaluunniit sungiusartutut atorneqassanersut, isumaqatigiissutaasoq naapertorlugu sulianik ingerlatsinermi, aamma (2) isumaqatigiissutip naligisaa. Aalajangersakkami inuiaqatigiinni akisussaaffeqarnek pillugu, pisortat imaluunniit pisortat suliffiutaata taamaasilluni aalajangersarsinnaavaa ilinniartoq aamma sungiusartoq ataaseq pineqarnersoq, imaluunniit ilinniartut aamma sungiusartut arlallit pineqarnersut.

Ilinniartoq imaluunniit sungiusartoq siunnersuummi § 4, imm. 1 aamma 2-mi nassuiarneqarpoq sunaassusilerneqarluni, aammalu isumaqatigiissutaasup naligisaa allannguutissatut siunnersuummi § 2, imm. 9-mi nassuiarneqarluni. Ilanngullugulu aalajangersagaq taanna oqaaseqaatillu innersuunneqarput.

Ilinniartoqarnissamik aamma sungiusartoqarnissamik piunasaqaat aalajangersagaq naapertorlugu ersersitsineruvoq pisortat suliassiisut imaluunniit pisortat suliffiutaata suliassiisup piunasaqaataanik, najugaqavissunik ilinniartunik imaluunniit sungiusartunik qassinik suliffeqarfiup atuinissaanut, isumaqatigiissutaasoq naapertorlugu isumaqatigiissutip nalinga tunngavigalugu atuinissami.

Allannguutissatut siunnersuut naapertorlugu ilinniartoqarnissamik aamma sungiusartoqarnissamik 2018-imut piunasaqaat aalajangersarneqassaaq minnerpaaffittut imatut amerlatigisunik ilinniartoqarnissamut imaluunniit sungiusartoqarnissamut:

- ilinniartuq imaluunniit sungiusartuq ataaseq, sanaartugassanut isumaqatigiissutip nalinga minnerpaamik 1.500.000 kr.-uppat, kisiannili 3.000.000 kr.-nit appasinnerulluni.
- ilinniartut imaluunniit sungiusartut marluk, sanaartugassanut isumaqatigiissutip nalinga minnerpaamik 3.000.000 kr.-uppat, kisiannili 6.000.000 kr.-nit annikinnerulluni.
- ilinniartut imaluunniit sungiusartut 3-t, sanaartugassanut isumaqatigiissutip nalinga minnerpaamik 6.000.000 kr.-uppat, kisiannili 9.000.000 kr.-nit annikinnerulluni.

Sanaartugassanut tunngatillugu isumaqatigiissutaasut 9.000.000 kr.-t qaangerlugilluunniit naleqaraangata ilinniartoqarnissamut aamma sungiusartoqarnissamut piumasaqaataasoq pisortanit imaluunniit pisortat suliffiutaannit neqeroortitsisuusumit aalajangerneqartassaaq pissutsinik suliamut naleqquttunik nalileereernikkut. Ilinniartunik aamma sungiusartunik sulisitsinissamik piumasaqaat minnerpaatut ilinniartunut imaluunniit sungiusartunut 4-nut aalajangerneqassaaq, isumaqatigiissutaasup nalinga sanaartugassanik suliaqarnissami 9.000.000 kr.-uppat annertuneruppalluunniit.

Ullorsiutit ukiuinut tamanut ilinniartunik aamma sungiusartunik sulisitsinissamut piumasaqaat aalajangerneqartassaaq immikkoortup ataatsip arlallilluunniit iluaniinnissaannik Naalakkersuisunit aalajangerneqartunut. Naalakkersuisut aalajangersassavaat immikkoortup immikkoortulluunniit imaalillugu ajornassanngitsoq immikkoortup immikkoortulluunniit aalajangerneqartut iluanni ilinniartoqarnissamik aamma sungiusartoqarnissamik naapertuuttumik aaqqissuussisoqarsinnaanngorlugu, neqeroortinut assigiinngitsunut naapertuuttumik. Taamaasillunilu periarfissaassaaq neqeroortut naleqquttut naammassisinnaassagaat ilinniartunik aamma sungiusartunik sulisitsinissamik piumasaqaatit neqeroortuni assigiinngitsuni.

Aallaaviusussatut immikkoortoq immikkoortulluunniit arlaqartutut tunngaviusussanik aalajangiinnginnerminni Naalakkersuisut suliffeqarnermi illuatungeriinnik aalajangiinissaq pillugu tusarniaaqaartassapput. Ilanngullugu imm. 4 innersuunneqassaaq aammalu tamatumunnga oqaaseqaatit.

Pisortat imaluunniit pisortat suliffiutaata suliassiisup ilinniartoqarnissamik aamma sungiusartoqarnissamik piumasaqaammik aalajangiinerani, pisortat imaluunniit suliffeqarfiup ilaatigut pingaartissavaa annerusumik imaluunniit minnerusumik naleqquttuunersoq ilinniartunik imaluunniit sungiusartunik suliffeqarfimmi pineqartutut ittumi sulisitsinissaq, neqeroortitsinermi pineqartumi neqeroortussatut naatsorsuutigisaasumi. Pisortat imaluunniit pisortat suliffiutaat suliassiisut taamaasillutik ilinniartoqarnissamik aamma sungiusartoqarnissamik piumasaqaammik aalajangersaassapput, aallaavigalugu

neqeroortumiit qanoq annertutigisumik inuiaqatigiinni akisussaaffimmik tigusinissaq naapertuunnersoq, neqeroortitsinermit aalajangersimasumut pineqartumut tunngatillugu. Ataatsimut isigaluni ajornanngilaq naleqquttuullunilu ilinniartunik imaluunniit sungiusartunik amerlasuunik suliffeqarfimmi sanaartornermi suliaqartumi sulisoqarsinnaaneq, sulisunillu suliamik ilinniarsimasunik amerlasuunik sulisitaqartumi, tamatumani aamma qammaasunik, sanasunik allanillu.

Suliassamik tigusinialluni neqeroortoq tassaasinnaavoq suliffeqarfik namminersortoq imaluunniit pisortat suliffiutaat imaluunniit suliffeqarfiit arlallit ataatsimut neqeroortut. Ataatsimut innersuunneqassapput siunnersuummi § 2, imm. 7, aamma tassunga oqaaseqaatinut.

Imm. 3-mut

Aalajangersagaq inuiaqatigiinni akisussaaffeqarnermit tunngasunik imaqarpoq, pisortat imaluunniit pisortat suliffiutaata aalajangersaavigisassaanik neqeroortitsinermit aalajangersakkani aamma suliassiissutitut isumaqatigiissummi, pisortat imaluunniit pisortat suliffiutaata neqeroortitsinermit suliassamut akikinnerpaamik neqeroortumik atuinissaani isumaqatigiissuteqarnissaanilu, nioqqutissanik tunisaqartarnissani imaluunniit kiffartuussinerni, sanaartornerunngitsuni.

Suliat sanaartukkat qanoq paasineqarnissaat pillugu taaguusersuut allannguutissatut siunnersuummi § 2, imm. 8-mi nassuiarneqarput. Ilanngullugu aalajangersakkamut tassunga oqaaseqaatinullu innersuussisoqassaaq.

Imm. 2-mi allaaserineqarpoq aalajangersakkat inuiaqatigiinni akisussaaffeqarnermit tunngasut sunik imaqartussaannersut, isumaqatigiissutinut sanaartornermi tunngatillugu.

Inuiaqatigiinnut akisussaaffeqarnermit aalajangersakkami pisortat imaluunniit pisortat suliffiutaat ilaatigut aalajangersaasussaapput ilinniartumik aamma sungiusartumik arlaqartunilluunniit sulisitsinissamut piumasaqaatinik minnerpaaffissaasunik (1) najugaqavissunik ilinniartunik imaluunniit sungiusartunik sulisitsisoqarnissaanik, aamma (2) neqerooruteqartup akissarsiarititanut ataatsimut aningaasartuutaasa annertussusiannik ullorsiutit ukiuanni ukiuiniluunniit isumaqatigiissummi suliassap suliarineqarfissaani. Inuiaqatigiinnut akisussaaffeqarnek pillugu aalajangersakkami pisortat imaluunniit pisortat suliffiutaat taamaasilluni ilinniartumik aamma sungiusartumik arlaqartunilluunniit sulisitsinissamik piumasaqaammik aalajangiisussaavoq.

Ilinniartuq imaluunniit sungiusartuq siunnersuummi § 4, imm. 1 aamma 2 sunaassusilersorneqarput, akissarsiarititanut ataatsimut aningaasartuutaasunik taaguut

siunnersuummi § 4, imm. 3-mi nassuiarneqarluni. Ilanngullugu aalajangersakkanut pineqartunut oqaaseqaatinullu innersuussisoqassaaq.

Ilinniartoqarnissamik aamma sungiusartoqarnissamik piumasaqaat ersersitsisuuvoq pisortat imaluunniit pisortat suliffiutaata suliassiisup piumasaqaataanik, qanoq amerlatigisunik najugaqavissunik sulisitsisoqarnissaanik suliffeqarfimmut suliassinneqartumut piumaqataasunik, akissarsiarititanik ataatsimut aningaasartuutaasunik suliffeqarfiup akiliutigisartagaanik tunngavilikkamik. Akissarsiarititanik ataatsimut aningaasartuutaasunik qaffasinnerujartortillugu, suliffeqarfik suli amerlanerusunik najugaqavissunik ilinniartunik imaluunniit sungiusartunik sulisitsissaaq.

Ilinniartoqarnissamik aamma sungiusartoqarnissamik piumasaqaat ullorsiutit ukiuannut isumaqatigiissut naapertorlugu suliassat tunniunneqarfissaannut tunngasuussaaq. Tamanna assersuutigalugu isumaqarpoq isumaqatigiissut naapertorlugu suliassat tunniunneqartussaappata piffissami maj 2019-imit august 2020-mut, taava ilinniartunik aamma sungiusartunik sulisitsinissamik piumasaqaat ullorsiutit ukiuinut 2019 aamma 2020-mut ilivitsumik atuutissasoq.

Oqaatigineqassaaq neqeroortitsinermi ajugaasup ilinniartoqarnissamik aamma sungiusartoqarnissamik piumasaqaataasut naammassisinnaanngikkai ilinniartutut imaluunniit sungiusartutut najugaqavissuunngitsunik sulisitsinermigut. Ataatsimut innersuunneqassapput siunnersuummi § 7, imm. 2 aamma taakkununga oqaaseqaatit. Taaguummot najugaqavissoq atatillugu innersuunneqassaaq siunnersuummi § 3 aamma tamatumunnga oqaaseqaatit.

Ilinniartoqarnissamik aamma sungiusartoqarnissamik piumasaqaatit akissarsiarititat ataatsimoortut ataatsip arlallilluunniit iluanni inissinneqassasut Naalakkersuisunit aalajangerneqartassapput. Naalakkersuisut akissarsiarititat ataatsimoortut arlalallilluunniit imatut aalajangersartassavaat ajornarunnaarsillugu ilinniartunik aamma sungiusartunik amerlassusilikkanik sulisitsinissamut piumasaqartoqarsinnaalersillugu, neqeroortitsisartunut assigiinngisitaartunut tamanut naammaginartunik aqqissuussaasunik. Taamaasillunilu ajornanngittariaqarpoq suliassani assigiinngiaartuni neqerooruteqartartut assigiinngitsut ilinniartoqarnissamik aamma sungiusartoqarnissamik piumasaqaatinik naammassininnaanissaat. Assersuutigalugulu naleqquppallaassanngilaq ilinniartunik aamma sungiusartunik suliffeqarfiit siunnersuisarnermik suliaqartut sulisitsisarnissaat.

Akissarsiarititat ataatsimoortut annertussusissaannik assigiinngitsunik annertussusilikkanik suliffeqarfimmut inuussutissarsiutinullu assigiinngitsunut aalajangersaasoqarsinnaavoq. Assersuutigalugulu suliffeqarfiit ilaanni periarfissaanerusinnaavoq ilinniartunik imaluunniit sungiusartunik sulisitsinissaaq, suliffeqarfimmut inuussutissarsiutinullu allanut sanilliullugu.

Akissarsiarititat ataatsimoortut ataatsip arlallilluunniit annertussusissaannik Naalakkersuisut aalajangersaannginnerminni suliffeqarnermi illuatungeriinnik tamanna pillugu tusarniaaqqartassapput. Ilanngullugu imm. 4-mut tassungalu oqaaseqaatinut innersuussisoqassaaq.

Pisortat suliassiusut imaluunniit pisortat suliffiutaat suliassisoq ilinniartoqarnissamik aamma sungiusartoqarnissamik piumasagaammik Naalakkersuisunit akissarsiarititat ataatsimoortut annertussusissaattut aalajangersaanerminni, pisortat imaluunniit suliffeqarfiup oqimaalutassavaa annerusumik minnerusumilluunniit pissusissamisoornersaq ilinniartunik imaluunniit sungiusartunik sulisitsinissat, suliffeqarfinni neqeroortitsinermi peqataasussatut pineqartutut ittuni. Pisortat imaluunniit pisortat suliffiutaat suliassisuusooq taamaasilluni ilinniartoqarnissamat aamma sungiusartoqarnissamat piumasagaatinik aalajangiisussaapput aallaavigalugu suliassamik tigusiniarluni neqeroortoq suliambut pineqartumut atatillugu inuiaqatigiinni akisussaaffimmik kivitsisinnaanermut naapertuuttumik periarfissaqarnersaq, neqeroorummi tassani pineqartumi.

Suliassamat neqerooruteqartoq tassaasinnaavoq suliffeqarfik namminersortoq imaluunniit pisortat suliffiutaat, imaluunniit suliffeqarfiit ataatsimoortut. Ataatsimut innersuunneqassaaq siunnersuummi § 2, imm. 7, aamma tassunga oqaaseqaatit.

Imm. 4-mut

Aalajangersakkami aalajangerneqarpoq Naalakkersuisut suliffeqarnermi illuatungeriinnik tusarniaasussaasut, ataatsimik arlalinnilluunniit immikkoortut imm. 2 aamma 3 naapertorlugit aalajangersaannginnermi.

Tusarniaanermi suliffeqarnermi illuatungeriit isummaminnik saqqummiussinissamat periarfissaqassapput.

Tusarniaanerup siunertaraa qularnaassallugu immikkoortut arlaqartuusinnaasut aalajangerneqartut imm. 2 aamma 3 tunngavigalugit sapinngisamik suliffeqarnermi illuatungeriinnit tapersorsorneqarnissaat. Naalakkersuisut pisussaaffiginngilaat tusarniaanermi akissutigineqartunik malinnittussaaneq, immikkoortup immikkoortulluunniit imm. 2 aamma 3 naapertorlugu aalajangersaanermi, kisianni Naalakkersuisut tusarniaanermi akissutaasut aalajangersaanerminni isumaliutersuutiminnut ilaatissavaat.

Tusarniaanermi ilaassapput sulisut sulisitsisullu peqatigiiffii kattuffiilu Kalaallit Nunaanni angerlarsimaffeqartut, malittarisassatillu naapertorlugit siunertaqartut najugaqavissut suliffeqarnermi ilinniartitaanermilu soqutigisaannik sullissinissamat.

Nr. 5-imut

Allannguutissatut siunnersuutikkut aalajangersarneqarpoq ilinniartoqarnissamik aamma sungiusartoqarnissamik piunasaqaat sanaartugassanut 2018-imi suliarineqartussanut minnerpaatut ilinniartunik imaluunniit sungiusartunik imatut amerlassusilinnik tunngaveqassasoq:

- ilinniartoq imaluunniit sungiusartoq ataaseq, sanaartugassanut isumaqatigiissutip nalinga minnerpaamik 1.500.000 kr.-uppat, kisiannili 3.000.000 kr.-nit appasinnerulluni.
- 2) ilinniartut imaluunniit sungiusartut marluk, sanaartugassanut isumaqatigiissutip nalinga minnerpaamik 3.000.000 kr.-uppat, kisiannili 6.000.000 kr.-nit annikinnerulluni.
- 3) ilinniartut imaluunniit sungiusartut 3-it, sanaartugassanut isumaqatigiissutip nalinga minnerpaamik 6.000.000 kr.-uppat, kisiannili 9.000.000 kr.-nit annikinnerulluni.

Sanaartugassanut tunngatillugu isumaqatigiissutaasut 9.000.000 kr.-t qaangerlugilluunniit naleqaraangata ilinniartoqarnissamut aamma sungiusartoqarnissamut piunasaqaataasoq pisortanit imaluunniit pisortat suliffiutaannit neqeroortitsisuusumit aalajangerneqartassaaq pissutsinik suliamut naleqquttunik nalileereernikkut. Ilinniartunik aamma sungiusartunik sulisitsinissamik piunasaqaat minnerpaatut ilinniartunut imaluunniit sungiusartunut 4-nut aalajangerneqassaaq, isumaqatigiissutaasup nalinga sanaartugassanik suliaqarnissami 9.000.000 kr.-uppat annertuneruppalluunniit.

Ullorsiutit ukiuinut tulliuuttunut tamanut ilinniartunik aamma sungiusartunik sulisitsinissamut piunasaqaat aalajangerneqartassaaq immikkoortumut imaluunniit immikkoortunut arlalinnut Naalakkersuisunit aalajangerneqartunut. Naalakkersuisut aalajangersassavaat immikkoortoq immikkoortulluunniit imaalillugu ajornassanngitsoq immikkoortoq immikkoortulluunniit aalajangerneqartut iluanni ilinniartoqarnissamik aamma sungiusartoqarnissamik naapertuuttumik aaqqissuussisoqarsinnaanngorlugu, neqeroortunut assigiinngitsunut naapertuuttumik. Taamaasillunilu periarfissaassaaq neqeroortunut naleqquttunut naammassisinnaassallugu ilinniartunik aamma sungiusartunik sulisitsinissamik piunasaqaatit neqeroortuni assigiinngitsuni.

Aallaaviusussatut immikkoortoq immikkoortulluunniit arlaqartutut tunngaviusussanik aalajangiinginnerminni Naalakkersuisut suliffeqarnermi illuatungeriinnik aalajangiinissaq pillugu tusarniaaqqartassapput. Ilanngullugu imm. 4 innersuunneqassaaq aammalu tamatumunnga oqaaseqaatit.

Nr. 6-imut

Imm. 4-mut

Aalajangersakkami aalajangerneqarpoq Naalakkersuisut suliffeqarnermi illuatungeriinnik tusarniaasassasut immikkoortoq immikkoortunilluunniit arlalinnik imm. 3 naapertorlugu aalajangersaasoqarnissaa pillugu, Naalakkersuisut aalajangersaannginneranni.

Tusarniaanermi suliffeqarnermi illuatungeriit isummaminnik saqqummiussinissamut periarfissaqassapput.

Tusarniaanerup siunertaraa qularnaassallugu akuttoqatigiit arlaqartuusinnaasut aalajangerneqartut imm. 3 tunngavigalugit sapinngisamik suliffeqarnermi illuatungeriinnit tapersorsorneqarnissaat. Naalakkersuisut pisussaaffiginngilaat tusarniaanermi akissutigineqartunik malinnittussaaneq, immikkoortumut immikkoortunulluunniit arlalinnut imm. 3 naapertorlugu aalajangersaanermi, kisianni Naalakkersuisut tusarniaanermi akissutaasut aalajangersaanermi isumaliutersuutiminnut ilaatissavaat.

Tusarniaanermi ilaassapput sulisut sulisitsisullu peqatigiiffii kattuffiilu Kalaallit Nunaanni angerlarsimaffeqartut, malittarisassatillu naapertorlugit siunertaqartut najugaqavissut suliffeqarnermi ilinniartitaanermilu soqutigisaannik sullissinissamut.

Nr. 7-imut

Allannguutissatut siunnersuut aallaaveqarpoq siunnersuutip suliarineqarnerata Inatsisartut 2017-imi upernaakkut ataatsimiinneranni naammassineqannginneranik, suliarlu ingerlaqqilluni naammassineqassallunilu Inatsisartut 2017-imi ukiakkut ataatsimiinneranni. Siunnersuutip aappassaaneernejarnissaa aamma pingajussaaneernejarnissaa november 2017-imi pissapput. Taamaasillunilu siunnersuut aatsaat november 2017-imi pingajussaaneernejareeruni akuersissutigineqarsinnaavoq.

Siunnersuutip atortuulernissaa kinguartinneqassaaq 1. januar 2017-imiit 1. januar 2019-imut, pisortat aamma suliffiit sivisunerusumik piareersarnissaminnut periarfissaqartikkumallugit, siunnersuutip atortuulernissanut.

Naalakkersuisut aamma piffissaqarnerussapput siunnersuutip atortuulersinneqarnissanut piareersarnissaminnut, ilaatigullu pisariaqartunik naleqquttunillu 2019-imut aningaasanut inatsisissamut siunnersuusiornermi allannguuteqartitsissallutik.